



Raport Muaji Shkurt 2026

Informacion bazë

Administrimi i Fondit	Shoqëria Raiffeisen Invest sh.a
Monedha	Euro
Datë Lancimi	22 Nentor 2012

Vlera fillestare e kuotës	100
Shuma fillestare minimale	250
Shuma minimale pasuese	50

Komisione dhe Tarifa

Tarifë në hyrje	0.00%
Tarifë në dalje	0.00%
Tarifë Administrimi në vit	Deri ne 1.30% e vleres neto te aseteteve

Tarifa te tjera te vazhdueshme	Referojuni prospektit te fondit
--------------------------------	--

Komisione/tarifa të vazhdueshme	1.45% per vitin 2025
---------------------------------	-----------------------------

Kosto për transfertë fondesh nga palë të treta	Referojuni informacionit ne deget e RBAL
--	---

Objektivi i investimit dhe profili i investitorit

Objektivi i Fondit është të mund t'i sigurojë investitorit një kthim nga investimi në perputhje me një menaxhim të kujdesshëm të portofolit duke ruajtur nivelin e kapitalit dhe likuiditetit të nevojshëm.

Nje pjese e rendesishme e aseteteve te fondit mund te investohen ne bono dhe obligacione thesari te Qeverise se Republikes se Shqiperise, te emtuara ne monedhen euro. Megjithate, frekuenca e emetimeve ne euro nga Qeveria e Republikes se Shqiperise do te percaktoje shkallen ne te cilen Fondi do te investoje ne keto lloj instrumentash.


Fondi eshte i pershtatshem per individete dhe subjekte juridike te cilet mendojne se objektivi i investimit i Fondit perputhet me kerkesat dhe pritshmerite e tyre.

Shifra e tarifave të vazhdueshme 1.45% mbështetet në shpenzimet për vitin e mbyllur më 31.12.2025. Kjo shifër mund të ndryshojë nga viti në vit. Tarifa totale e vazhdueshme nuk mund të kalojë maksimumin prej 1.6% ne vit te vlerës neto të aseteteve te fondit.

Kostot e transaksioneve janë sipas kushteve të punës të palëvendërmjetësuese dhe nuk përfshihen në llogaritjen e komisioneve dhe tarifave të vazhdueshme, por ato i ngarkohen Fondit.

Profili i Riskut dhe Përfitimit

Risk i ulët	Risk i lartë
Përfitimet tipike më të ulëta	Përfitimet tipike më të larta



Fondi Raiffeisen Invest Euro është në kategorinë e tretë të Profilit të Riskut dhe Përfitimit

Treguesi i riskut dhe përfitimit korrespondon me një numër të plotë i cili përdoret për të renditur fondin në një nivel risku nga 1 në 7, sipas nivelit të rritjes të luhatshmërisë. Kategoria më e ulët nuk do të thotë që investimi në fond është pa risk.

Ky tregues ka për qëllim tju informoje mbi luhatshmërinë e çmimit të kuotës së fondit bazuar në historikun e performancës së fondit. Të dhënat historike të përdorura për llogaritjen e treguesit nuk mund të përbëjnë një siguri të plotë për profilin e riskut në të ardhmen.

Të dhëna për Fondin në 28 Shkurt 2026


Vlera Neto e Aseteve	€ 56,097,107
Numri i Investitoreve	1,988
Çmimi i Kuotes	119.5207
*Kthimi Vjetor nga Investimi (28.02.2025 – 28.02.2026)	2.72%

*Tarifa e administrimit dhe tarifat e tjera të vazhdueshme zbriten përpara llogaritjes së kthimit nga investimi.

Struktura e Portofolit të investimeve më 28 Shkurt 2026

Portofoli i fondit Euro është ndërtuar në një mënyrë të tillë që të përfitojë nga balancimi i kategorive të ndryshme të investimeve në bono dhe obligacioneve qeveritare dhe të korporatave. Kjo bëhet me qëllim për të diversifikuar portofolin dhe ulur riskun që vjen nga ekspozimi i gjere ndaj pak instrumenteve.

Përqindja e alokimit të asetëve bëhet në përputhje me politikën e investimit dhe kriteret të specifikuar në prospektin e fondit. Shpërndarja e asetëve mund të jetë jashtë objektivit të përcaktuar për shkak të ndryshimeve të kushteve të tregut. Asetet e Fondit janë të investuara në instrumente financiare që i përkasin emetuesve që performojnë në industri të ndryshme të ekonomisë duke bërë të mundur rritjen e diversifikimit të portofolit.



Duke iu referuar strukturës së portofolit të investimeve të fondit më 28 shkurt 2026, përqindja e asetëve të fondit e investuar në Obligacione Shtetërore është në 57% të asetëve dhe 39.6% i përkasin obligacioneve të emetuara nga Qeveria Shqiptare. Fondi mund të balancojë ekspozimin ndaj instrumenteve të ndryshme në varësi të kushteve të tregut për të arritur objektivat e tij afatgjatë. Asetet e fondit të investuara në obligacione korporatash me vlerësim të lartë dhe në fonde investimesh përbëjnë 39.1% të totalit të aktiveve. Keto fonde investimi gjithashtu kanë në fokus investime në tregun e obligacioneve. Likuiditeti i mbajtur në cash dhe depozita është ulur në nivelin 4% e totalit të asetëve të fondit. Vlera neto e asetëve të fondit është në nivelin 56.1 milionë EUR në fund të muajit shkurt.

Performanca e fondit dhe ecuria e çmimit të kuotës gjatë muajit Shkurt


Gjatë muajit shkurt, çmimi i kuotës së fondit ka pësuar rritje me **0.46%**. Ishte një muaj pozitiv për tregjet globale të obligacioneve, me yield-e që rane përgjatë kurbës, ndërsa zhvillimet gjeopolitike dhe lajmet e lidhura me inteligjencën artificiale dominuan tregjet. Obligacionet qeveritare përgjithësisht dhanë kthime pozitive dhe tejkaluan performancën e obligacioneve të korporatave. Performanca e obligacioneve qeveritare dhe atyre të korporatave pati një efekt përgjithësisht pozitiv në portofolin e investimeve të fondit Raiffeisen Invest Euro, i cili regjistroi fitime përgjatë muajit. Yield-i mesatar i portofolit të investimeve të fondit ishte 3.11% për një kohëzgjatje mesatare prej 3.35 vjet më 28 shkurt. **Kthimi neto vjetor i fondit është +2.72% më 28 shkurt 2026.**

Ecuria e Çmimit të Kuotës Fondi Raiffeisen Invest Euro



Ne dt 28 Shkurt 2026	1 Vit	2 Vite	3 Vite	5 Vite	10 Vite	Nga lancimi (22 Nentor 2012)
Kthimi ne % p.a per periudhen	+2.72%	+3.61%	3.94%	0.31%	+0.77%	+1.35%

Kthimi Neto i fondit Raiffeisen Invest Euro per çdo vit



Duhet patur parasysh se norma e kthimit ndryshon ne varesi te kushteve te tregut dhe çmimi i kuotës mund të jetë i luhatshëm, pra nuk është statik apo gjithmonë në rritje, por edhe mund të bjerë si pasojë e ndryshimeve të kushteve në treg. Luhatshmëria është pjesë e natyrshme e fondeve te investimit dhe eliminimi total i saj është i pamundur.

Investitorët e fondit Raiffeisen Invest Euro dhe te gjithe fondeve te administruara nga Raiffeisen Invest keshillohen te kene nje horizont sa me te gjate investimi per te perfutur nje kthim optimal nga investimi dhe ne kete menyre ne periudhe afatmesme apo afatgjate te kene mundesi te rikuperojne edhe efektet negative te krijuara afatshkurter.

Investitorët inkurajohen që të ruajnë investimin e tyre duke mos ndryshuar objektivin e qëndrimit në fond të nxitur nga situatat jo të zakonshme të krijuara perkohesisht në tregjet financiare, sepse në këtë mënyrë nuk do të riskojnë të dalin nga fondi në momentin e gabuar për investimin e tyre.

Zhvillimet dhe informacion mbi ecurinë e tregjeve financiare gjatë muajit Shkurt

Indeksi i çmimeve të konsumit në SHBA për muajin janar u rrit me 2.4% në krahasim me të njëjtën periudhë të një viti më parë, duke rezultuar kështu 0.3 pikë përqindjeje më i ulët se muaji i kaluar. Kjo e uli normën e inflacionit në nivelin ku ndodhej një muaj pasi Presidenti Donald Trump njoftoi tarifat agresive ndaj importeve në SHBA. Duke përjashtuar ushqimin dhe energjinë, inflacioni bazë u rrit me 2.5%, niveli më i ulët që nga prilli i vitit 2021. Ekonomistët prisnin një normë vjetore prej 2.5% për të dy treguesit.

Inflacioni vjetor në Eurozonë u rrit në nivelin 1.9% në shkurt 2026, nga niveli minimal 16-mujor prej 1.7% në janar dhe mbi pritshmëritë e tregut prej 1.7%. Presionet mbi çmimet u rritën ndjeshëm në sektorin e shërbimeve, ndërsa çmimet e energjisë vazhduan të bien, por me ritëm më të ngadaltë. Inflacioni bazë u rrit në nivelin 2.4%, duke rikuperuar nga niveli 2.2% i janarit, më i ulëti prej më shumë se katër viteve.

Banka Qendrore Europiane mbajti të pandryshuara normat e interesit për mbledhjen e pestë radhazi, me normën bazë në nivelin në 2%, në përputhje me objektivin e saj. BQE deklaroi se trajektorja e inflacionit dhe faktorët kryesorë ekonomikë nuk justifikonin një ndryshim të normës në këtë mbledhje, por paralajmëroi se perspektiva mbetet e pasigurt.

Ishte një muaj pozitiv për tregjet globale të obligacioneve, me yield-e që rane përgjatë kurbës, ndërsa zhvillimet gjeopolitike dhe lajmet e lidhura me inteligjencën artificiale dominuan tregjet. Obligacionet qeveritare përgjithësisht dhanë kthime pozitive dhe tejkaluan performancën e obligacioneve të korporatave. Shenjat e dobësimit në tregun e punës, së bashku me një klimë të përgjithshme kundër riskut, bënë që investitorët të presin ulje të tjera të normave të interesit në SHBA këtë vit. Si rezultat, yield-et e obligacioneve të Thesarit të SHBA ranë gjatë muajit, si edhe yield-et e obligacioneve qeveritare përqark Eurozonës u ulën.

Ndërkohë, Gjykata Supreme e SHBA vendosi se Presidenti Trump nuk mund të përdorë gjendjen e emergjencës si justifikim për të vendosur tarifa tregtare, duke i shpallur të pavlefshme tarifat e mëparshme “reciproke”. Si rrjedhojë, qeveria vendosi një tarifë të perkohshme universale prej 10%, me mundësinë për ta rritur atë deri në nivelin 15%. Gjatë muajit pati disa zhvillime që shtuan pasigurinë globale, ndërsa përshkallëzimi i konfliktit në Iran filloi më 28 shkurt, kur tregjet ishin të mbyllura.

Të dhënat e kthimit nga investimi në të shkuarën janë vetëm ilustrative dhe nuk përfaqësojnë një premtim apo garanci për kthimin në të ardhmen. Të gjithë shembujt e tjerë numerikë janë përdorur për qëllime ilustrative dhe analizë të të dhënave historike, dhe nuk duhen përdorur nga investitorët për të nxjerrë konkluzione për të ardhmen. Investitorët e mundshëm duhet të lexojnë Prospektin dhe Rregullat e Fondit. Raiffeisen Invest dhe forca shitëse e fondit nuk garantojnë një kthim të caktuar të fondit.

Informacioni mbi çmimin e përditësuar të kuotës, prospektin dhe rregullat e Fondit gjendet pranë zyrave të Raiffeisen Invest sh.a., në faqen zyrtare www.raiffeisen-invest.al ose në degët e Raiffeisen Bank në Shqipëri.